

KATTULLUTA INUUNERITTA – SAMMEN OM DET GODE LIV

Paarisap, Brugsenip, Pilersuisup aamma Pisiffiup peqatigiilluni suleqatigiinnerat

UKIUMOORTUMIK
NALUNAARUSIAQ 2022



Pilersuisoq
KNI-p ilagaa

PISIFFIK

Brugseni

IMARISAI

KATTULLUTA INUUNERITTA 4

PEQATIGIILLUNI
SULEQATIGIINNEQ PILLUGU 7

PEQQISSUSERPUT 8

TAAMAAMMAT SULEQATIGIIPPUGUT 12

PEQATIGIILLUNI SULEQATIGIINNERMI
SULIARINEQARTUT 16

INERNERIT 27

PAARNANIK NAATITANILLU
QERISUNIK 2022-MI TUNISINEQ 28

TOP 15-IT
- NIOQQUTISSAT TUNISAANERPAAT 30

ATUISUNIK MISSUINEQ 32

2023-MUT ANGUNIAGASSAT 36

Kolofoni:

Kattulluta inuuneritta
– Sammen om det gode liv
Ukiuumoortumik nalunaarusiaq 2022

Copyright: Paarisa
Februaari 2023

Assit:
Saqqaa tunualu:
Carlo Lukassen - Tarrat Pictures
KNB Marketing 2-3, 5, 14, 19, 24
KNI Marketing 4-5, 6-7, 13, 16-17, 22,
23, 27, 30, 31
Pisiffik Marketing 15, 25, 35
Paarisa / Assiliisoq:
Christian Sølbeck 8-9, 21, 26

Assiliartai, ilusilersuineq: irisager.gl



PISIFFIK

Brugseni

KATTULLUTA INUUNERITTA

Inuunerinneq inuunermi oqimaaqatigiissitilernermik kiisalu imminut allanullu iluarisimaarnermut tunngassuteqarpoq.

Nerisagut imikkagut kiisalu pitsaasumik nerisaqarnissamik ataatsimoorfeqarnerput peqqinnissatsinnut atugarissaarnitsinnullu pingaarutilerujussuupput.

Innuttaasut peqqissusaannik siuarsaanissamik kinaluunniit kisimiilluni kivitsiniarsarisinnaangilaq. Inuiaqatigiinni kikkunnit tamanit peqataaffigineqartumik iliuuseqartoqartariaqarpoq.

Atuisut peqataatillugit peqqinnerulernissamut atugarissaarnerulernissamullu peqqinnartumik ineriartorneq ikorfartorniartarlugu Kattulluta inuuneritta – Sammen om det gode liv pillugu peqatigiilluni suleqatigiinnermut Paarisa, Brugseni, Pilersuisoq Pisiffillu kattussimapput.

Peqatigiilluni suleqatigiinneq 2020-2030 ingerlassaaq Naalagaaffiillu Peqatigiit nunarsuarmi anguniagaat, pingaartumik anguniagaq 3: Peqqissuseq Atugarissaarnerlu, aamma anguniagaq 17: Suleqatigiinnikkut Anguniagaqarneq, aallaavigineqarlutik.

Suliniutit aallartitagut ilumut iluaqutaanissaat qulakkeerniarlugu uuttortartassavagut. Ukiut tamaasa taamaamat innuttaasut peqqissusaannik inuunerannillu siursaaqataasunik anguniakkanik aalajangersimasunik uuttortarneqarsinnaasunillu toqqaasassaagut.

Misilittakkagut siammartertassavagut unalu ukiumoortumik nalunaarsuaq siulleq 2022-mi suleqatigiinnermi sammisanik angusanillu pingaarnernik nassuaataavoq.





PEQATIGIILLUNI SULEQATIGIINNEQ PILLUGU

PEQATIGIILLUNI SULEQATIGIINNER- MUT TAKORLUUGAQ

Siunissaq peqqinnerusoq atugarissaarfiu-
nerusorlu, pingaartumik kinguaariinnut
maanna peroriartortunut

PEQATIGIILLUNI SULEQATIGIINNITSINNI:

- ⊙ Peqqinnartumik ileqqoqarnissaq pil-
lugu ilisimasanik isumassarsiorfissanil-
lu innuttaasunut siammarterineq
- ⊙ Toqqagassaq peqqinnartoq oqinneru-
sumik pissusissamisoortumillu toqqa-
gassangortinnissaa Nerisaqarnermul-
lu innersuussutiniq qulinik atuisut
amerlinissaat

- ⊙ Peqqinnartumik nerisaqarnerup
naleqquttumillu imigassartortarnerup
siuarsarneqarnissaa

PEQATIGIILLUNI SULEQATIGIINNER- MI TAMAKKIISUMIK ANGUNIAGAQ

Nioqqutissani toqqagassani inuussutissat
peqqinnartut nioqqutigineqartut amerla-
nerpaanngornissaat

2022-MUT ANGUNIAKKAT

Paarnanik naatitanillu qerisunik
tuniniaanerup siuarsarnissaa

2020-2030-mi suleqatigiinnissamik
isumaqatigiissutinit



PEQQISSUSERPUT

Peqqinnissatsinnut atugarissaarnissatsinnullu aalajangiisumik isumaqartut takusassiami takutinneqarput. Inuiaqatigiit inuuffigisarpur aamma inuit kalaallillu pillugit ilisima-tuussutsikkut allagaatit kiisalu Issittumi tamarmi peqqissuseq pillugit ilisimasat tun-ngavigalugit suliarineqarsimavoq. Innuttaasut Peqqissusiannik Ilisimatusarfimmi taku-sassiaq inerisarneqarsimavoq.

Inooriaaserput, suaassuserput inuunitsinnilu atugassarititaasut - takusassiap talerpiata tungaani pullartaaniittut - peqqinnissatsinnut pingaaruteqarput. Amerlanersaasugut tamanna nalunngilarput. Takusassiap aamma takutippaa inuulluataarneq inuunerullu pitsaassusaa inuit ataasiakkaat inuunermik ataqatigiissitsinermik misigisaannit qanorlu isumaqartitsinerannit aallaaveqartut. Tamanna ilaatigut ilaqutariinnut attaveqaatinul-lu, ataatsimoornermut, najukkami naleqartitanut nukittoqutinullu, ilitsoqqussaralugu nerisatsinnut Kalaaliminernut pinngortitamullu tunngassuteqarpoq.

Timi, tarneq aamma anersaaq takusassiami tamarmiusumi ammalortunik ataqatigiissit-sippur. Peqqissuseq, atugarissaarneq inuulluataarnerlu peqqinnissatsinnut pingaarutilinni oqimaaqatigiissitsinermut tunngassuteqarput.

NERERIAASITTA INERIARTORNERA

Nerisagut imikkagullu kiisalu pitsaasumik nerisaqarnissamik ataatsimoorfeqarnerput peqqinnissatsinnut atugarissaarnissatsinnullu pingaarutilerujussuupput.

Nerisaqarnermut innersuussutit qulit Kalaallit Nunaata nerisanut aalanermullu pisor-tatigoortumik innersuussutigai. Nerisaqarnermut innersuussutit qulit malikkukkit allan-ngorartumik oqimaaqatigiissumillu peqqinnartumik nerisaqalissaatit. Nerisat peqqin-narlutillu allanngorartut qaarsillarnartunik, soorlu naatitanik, iffiugassanik aserorter-neqanngitsunik aalisakkanillu akoqarnerusarput qaarsillarnanngitsunillu soorlu iffiag qaqortunik, sodavandinik tungusunnitsunillu akoqannginnerullutik.

Nereriaasitta ineriartornerata malitsigisaanik avataanit tikisitanik nalinginnaasumik nerisaqalerpugut najukkami inuussutissanik nerisakinnerulerluta. Nerisassat tikisinne-qartut ilarujussui tassaappur mamakujuut, kaagit, sukkut inuussutissallu sukkoqartoru-jussuit kiisalu neqit naammatsissimasunik orsoqarluartut. Nerisat sukkoqarluarlutillu naammatsissimasunik orsoqarluarpata oqimaappallaalernissamut inooriaatsimullu attuumassutilinnik nappaateqalernissamut qaninnerulersitsisarput.

2018-imi innuttaasut peqqissusaannik misissuisitsineq naapertorlugu innuttaasut iner-simasut affaat sinnerlugit oqimaappallaarput sionatigorniillu amerlanerusut sukkor-nermik uummatimmilu taqqani nappaateqalersarlutik.

Innuttaasut peqqissusaannik misissuinerup inersimasut Nerisaqarnermut innersuussu-tinik qulinik malinnittut amerlassusaat piffissallu ingerlanerani ineriartornera takutip-paa. Nerisanut uuttuutit tallimat aallaavigalugit uuttortaasoqarpoq.

Inuussutissat timigissarnerlu pillugu siunnersuisoqatigiit innersuussutaat	Uuttuutaasinnaasoq	2005-2010	2018	Nassuiaatitaa
Ullut tamaasa paarnanik naatitanillu allanik nerisarit	Ullut tamaasa paarnanik naatitartorneq	37,2%	38,8%	Allanngunnilaq
Ullut tamaasa paarnanik naatitanillu allanik nerisarit	Ullut tamaasa naatitartorneq	23,9%	29,6%	Annertusivoq
Kalaaliminertortarit; aalisagartukulagit	Sap. ak. minnerpaamik ataasiarluni aalisagartorneq	56,0%	42,8%	Apparpoq
Imermik imertarit – safti sodavandilu annikinnerusumik	Ullut tamaasa saftitunngik-kaanni sodavanditorneq	24,4%	43,9%	Qaffappoq
Kalaaliminertortarit; aalisagartukulagit	Sap. ak. ataasiarluni pingaso-riarluniluunniit immami miluumasut neqaannik nerisaqarneq	35,9%	33,3%	Allanngunnilaq

Tigusiffik: Larsen CVL et al. Kalaallit Nunaannit innuttaasut peqqissusaannik misissuisitsineq 2018.

Kattulluta inuuneritta pillugu peqatigiilluni suleqatigiinnermi siunertarineqarpoq inuit amerlanerusut Nerisaqarnermut innersuussutinik qulinik malinnilersinneqarnissaat siunissamilu amerlanerusut ullormut naatitartorlutillu paarnartortalernissaat, sapaatip akunneranik minnerpaamik ataasiarlutik aalisagartortalernissaat sukkulinnillu soorlu saftinik sodavandinillu imernatik imertortalernissaat.

Nerisagarnermut innersuussutit qulit

NERISAGARNERMUT TIMIGISSARNERMULLU SIUNNERSUISOQATIGIIT



Allangorartunik nerisarit;
Innersuussut siulleq pingaarnepaarlu.



Halaallit nerisassaataannik nerisarit;
akulikitsumik aalisakkanik aalisakkanillu
qallersuusianik

Ukiup ingerlaarnera malittariuk aamma immami nunamilu uumasut paarlakaajaartakkit. Nunattapaarnai naatitaalu atortakkit. Ullup qeqqasiornermi aamma aalisakkanit qallersuusiat atortakkit.



Ullut tamaasa naatitartorit paarnatorlutillu

Suliartuleraangavit imaluunniit atuariartuleraangavit paarnamik naatitamilluunniit nassartarit. Kissartumik nerinermi tamatigut naatitanik akoqartinnissaat ileqqunngortiguk. Paarnat naatitallu qerisut nutaatulli pitsaatigipput.



Ullaakkorsioruit ullup qeqqasioruillu
iffiartorit akoqarluartunik fuldkornilinnik

Iffiart iffiukkanit qaqortunit qaarsillarnarnerupput. Knækbrødit seqummarluttunit sanaat aamma pitsaasuupput. Qaqorteqqasut, pastat naatsiiallu kissartunik nerinermi paarlakaajaattakkit.



Eggarsarluarlutit orsutortarit

Orsoq sipaaruk: Iffiukkap taninnerani tarngut kilioraruk. Immuk, immussuaq, neqit qallersuutissallu annikitsumik orsullit toqqartakkit. Iganermi naasunit margarina imaluunniit naasunit olia atortakkit.

Sukkunik, mamakujuttunik, chipsinik
kaaginillu annikinnerusumik nerisarit

Sukkoqanngitsumik imaluunniit annikinnerusumik sukkulimmik kaffisortarit tiitortarillu. Paarnat iffiukkallu mamakujuttunit, chipsinik kaaginillu qaarsillarnarnerupput. Sapaatip akunneranut ulloq ataasiinnaq chipsitortarit mamakujuttutortarillu.

Imermik imertarit - annikinnerusumik
saftimik sodavandinillu imertarit

Imeq kuummeersoq imerlu nillarissoq imertaruk. Saftit sodavandillu annertuumik sukkumik akoqarput taamaattumillu piffinni aalajangersimasuni akuttusuunik atornissaat innersuussutigineqarput.

Akulikitsumik nerisarit, ingasaannaguli

Ullormut pingasoriarlutit nerisarfinni pingaarnerni nerisarit. Ullaakkorsiorneq ullormut aallarniutigalugu pitsassuuvoq. Aamma ullup ingerlanerani annikitsukkaarlugit nerisarit, paarnaq imaluunniit naatitaq, knækbrød imaluunniit aalisakkat panertut.

Ullormut minnerpaamik
nal. ak. ataaseq aalararit

Aalaneq tassaasinnaavoq pisulluni/sikkilerluni suliartroneq, eqqiaaneq, timersorneq, arsarujorneq allarpasuillu.



Allangorartunik nerisarit;
Innersuussut siulleq pingaarnepaarlu.



Halaallit nerisassaataannik nerisarit;
akulikitsumik aalisakkanik aalisakkanillu
qallersuusianik

Ukiup ingerlaarnera malittariuk aamma immami nunamilu uumasut paarlakaajaartakkit. Nunattapaarnai naatitaalu atortakkit. Ullup qeqqasiornermi aamma aalisakkanit qallersuusiat atortakkit.



Ullut tamaasa naatitartorit paarnatorlutillu

Suliartuleraangavit imaluunniit atuariartuleraangavit paarnamik naatitamilluunniit nassartarit. Kissartumik nerinermi tamatigut naatitanik akoqartinnissaat ileqqunngortiguk. Paarnat naatitallu qerisut nutaatulli pitsaatigipput.



Ullaakkorsioruit ullup qeqqasioruillu
iffiartorit akoqarluartunik fuldkornilinnik

Iffiart iffiukkanit qaqortunit qaarsillarnarnerupput. Knækbrødit seqummarluttunit sanaat aamma pitsaasuupput. Qaqorteqqasut, pastat naatsiiallu kissartunik nerinermi paarlakaajaattakkit.



Eggarsarluarlutit orsutortarit

Orsoq sipaaruk: Iffiukkap taninnerani tarngut kilioraruk. Immuk, immussuaq, neqit qallersuutissallu annikitsumik orsullit toqqartakkit. Iganermi naasunit margarina imaluunniit naasunit olia atortakkit.



Sukkunik, mamakujuttunik, chipsinik
kaaginillu annikinnerusumik nerisarit

Sukkoqanngitsumik imaluunniit annikinnerusumik sukkulimmik kaffisortarit tiitortarillu. Paarnat iffiukkallu mamakujuttunit, chipsinik kaaginillu qaarsillarnarnerupput. Sapaatip akunneranut ulloq ataasiinnaq chipsitortarit mamakujuttutortarillu.



Imermik imertarit - annikinnerusumik
saftimik sodavandinillu imertarit

Imeq kuummeersoq imerlu nillarissoq imertaruk. Saftit sodavandillu annertuumik sukkumik akoqarput taamaattumillu piffinni aalajangersimasuni akuttusuunik atornissaat innersuussutigineqarput.



Akulikitsumik nerisarit, ingasaannaguli

Ullormut pingasoriarlutit nerisarfinni pingaarnerni nerisarit. Ullaakkorsiorneq ullormut aallarniutigalugu pitsassuuvoq. Aamma ullup ingerlanerani annikitsukkaarlugit nerisarit, paarnaq imaluunniit naatitaq, knækbrød imaluunniit aalisakkat panertut.



Ullormut minnerpaamik
nal. ak. ataaseq aalararit

Aalaneq tassaasinnaavoq pisulluni/sikkilerluni suliartroneq, eqqiaaneq, timersorneq, arsarujorneq allarpasuillu.



Suut nerinerlugit eggarsaatigisaruk

Nerinermut ileqqorisatit niuernerneq aallartitarpupput. Peqqinnartunik pisisarit. Meeqqatit peqatigalugit igasarit. Unnukkut nerineq ilaqutariinni katersuffingortiguk.

PEQQIK.GL



TAAMAAMMAT SULEQATIGIIPPUGUT

Niuertarfiit ulluinnarni imminnut unammilleraluartut taamaattoq Kattulluta inuunerit-
ta pillugu peqatigiilluni suleqatigiinnermi inuunerissaarnerup siuarsarnissaanik anguni-
agaqarnissamik ataatsimoorlutik suleqatigiinnissaq isumaqatigiissutigisimavaat.

Apeqqutit tulliuttut aallaavigalugit periarfissanik eqqarsarnissaq peqatigiilluni suleqa-
tigiinnermi suleqatigiissutigiarput:

**QANOQ
PISOQARTIKKUSUPPARPUT?**

**SUUT PILERSINNISSAAT
SULEQATIGIISU-
TIGISINNAVAGUT?**

**SUUT AALLARTINNISSAAT
ISUMAQARPAT?**

*Innuttaasut peqqinnerulersinnissaat
suliassarujussuuvoq, kisianni iluatsissavarput
- isumaqarpungalu siammasissumik suleqatigiinnikkut
tamanna aatsaat angusinnaagipput. Nunatsinni
inuuneqqortussuseq agguaqatigiissillugu ukiunik qulinik
assersuutigalugu Savalimmiunit naanneruvoq, inooriaaserlu
pissutigalugu nappaatit aatsaat taamak amerlatigalutik.*

*Paarisap suliniuteqarneratigut tamakkiisumillu suliaata iluani
ataatsimoorfimmik pilersitsisoqarsimavoq, peqqinnissaq pillugu
suliniutitsinni suleqatigiissutigineqarsinnaasut pillugit naapinnissamut
misissuinissamullu nunatsinni niuertarfiit naapeqatigiiffigisinnaasaannik.
Tamanna isumaqarpunga nalitoorujussuusoq. Tamatta nammineerluta
assigiinngitsunik peqqinneq pillugu suliaqaraluarluta illoqarfinnilu
aralinni unammilleqatigiikkaluarluta peqqinneq pillugu
niuertarfeqarfiit suleqatigiinnerat pisariaqarlunilu
nalitunera tamatta isumaqatigiissutigiarput.*

*Anders Stenbakken,
KNI-mi Ussassarinermut pisortaq*



Paarisamik niuertarfinnillu
allanik suleqateqarnikkut kisimiilluta
angusinnaasatsinnit annertunerujussuarmik
angusaqarsinnaagatta upperaarpur.
Ataatsimoorluni sassarnej tamanna
Pisiffimmi kissaatigisatsit pitasuumik
ilumut allannguinnissamut tunngaviliivoq.
Peqqinnerusumik siunissaqarneq taamalu
atugarissarneq inuiaqatigiinni inuunermik
qularnangitsumik pitsaanerulersitsissaaq.

Tina Hansen,
Pisiffimmi Ussassarinermut pisortaq

Nuna tamakkerlugu
innuttaasut peqqissusaannik
siuarsaanissamut Brugseni akisussaaqataavoq
innuttaasut tusintit arlaqartut pisiniarfitsinni
ulluinnarni niuerniartarmata. Pisiassat pisisartutta
kissaatigisaat tamarmik neqeroortigigaluarlutigit
peqqinnartumik toqqaasinnaanissap siuarsarnissaanut
sunniuteqarpugut.

Ilutigitillugu nassuerutigissavarput kisimiilluta innuttaasut
peqqissusaannut aalajangiisuusinnaanginnatta. Peqatigiilluni
suleqatigiinneq taamaammat taamatut ittoq nuna tamakkerlugu
inuit peqqissusaasa ilorraap tungaanut ingerlatinniarnissaa
pillugu allanngueqataanissamik sunniuteqarnerunissamillu
kissateqarnitsinnut aalajangiisuulluinnarpoq. Tamatuma
saniatigit aalajangersimasunik sakkussaqalerpugut
anguniagassaqalerlutalu ukkatarisinnaasatsinnik.
Suliffeqarfimmut Brugsenitut ittumut Kalaallit
Nunaanni inuiaqatigiinni ilaalluinnartumut
niuernitsinni piujuartitsisumik
periuseqarnerulernissamik kissateqarnitsinni
suliassaqarfimmi matumani illuatungeriit akornanni
suleqatigiinneq pingaaruteqarpoq.

Benny Reffeldt otte,
Brugsenimi Sulisoqarnermut,
Attaveqatigiinnermut Ussassarinernullu
pisortaq



PEQATIGIILLUNI SULEQATIGIINNERMI SULIARINEQARTUT

JANUAARI 2020:
Piffissami 2020-
2030 suleqati-
giinnissamik
isumaqatigiissutit
atsiorneqarput

JUUNI 2021:
Suleqatigiinnermut
isumaqatigiissum-
mut ilassutissaq
peqatigiilluni
suleqatigiinnermik
nassuiaasoq
akuerineqarpoq

NOVEMBARI 2021:
Ataatsimut ilisarnaat aam-
ma peqatigiilluni suleqati-
giinneq pillugu tusagassi-
orneq suleqatigiinnerlu
pillugu allaaserisaq Paa-
risap Sermitsiami AG-milu
paasissutissiilluni aviisiani
ilanngunneqarpoq.

MARSI 2022:
Killiffik pillugu
ataatsimiinneq

MAAJI 2022:
Kvartalit aappaan-
ni killiffik pillugu
ataatsimiinneq
kisitsisinillu
nalunaaruteqarneq

JUULI 2022:
2023-mi anguniaga-
ssanik aalajanger-
saalluni peqatigiil-
luni suleqatigiinner-
mi ulloq naallugu
ataatsimiinneq

OKTOBARI 2022:
Kvartalit pingajuanni
killiffik pillugu ataatsi-
miinneq kisitsisinillu
nalunaaruteqarneq

AGGUSTI 2020: Paarisa
niuertarfiillu Kattulluta
inuuneritta – Sammen
om det gode liv pillugu
suleqatigiilerput

OKTOBARI 2021:
takorluukkanik
anguniagassanillu
aalajangiiffiusumik
peqatigiilluni sule-
qatigiit ulloq naal-
lugu ataatsimiipput

MARSI 2022:
Kvartalimi siuller-
mi killiffik pillugu
ataatsimiinneq
kisitsisinillu
nalunaaruteqarneq

APRIILI 2022:
Peqatigiilluni
suleqatigiin-
nermik atuler-
sitsineq

JUUNI 2022:
Atuisunik
misissuineq


AGGUSTI 2022:
2023-mut ataatsi-
moorluni paasi-
titsiniaanissamik
inerisaaneq aal-
lartinneqarpoq

NOVEMBARI 2022:
Peqatigiilluni sule-
qatigiinneq pillugu
allaaserisaq Paa-
risap Sermitsiami
AG-milu paasis-
sutissiilluni aviisiani
ilanngunneqarpoq.

ATAATSIMUT ANGUNIAKKAT

Peqatigiilluni suleqatigiit kvartalikkaartumik killiffik pillugu ataatsimiittarput, tassani suleqatigiinneq peqqinnissamullu iliuuserineqartut oqaluuserineqartarlutik iliuuserisattalu qanoq sunniuteqarnerat qimerloorlugu. Illuatungeriit tamarmik immikkut peqqinnissamut iliuusaasa sunniutaannik uuttortaanissaq isumaqatigiissutigivaat. Pisisartut nioqqutissanik peqqinnartunik pisiniarnerannik uuttortaanikkut taamaaliorpugut. Paarnanik naatitanillu qerisunik tunisat amerlassusaat kisitsisillu niuertarfinnit tamanit Paarisamut 2022-mi kvartalikkaartumik nalunaarutigineqartarput, taakkulu katersoriarlugit ataatsimiinnerni saqqummiunneqartarlutik.

Ataatsimoortumik anguniagaqarneq pillugu nukittuumik atasinnaasumillu peqatigiilluni suleqatigiinnissaq suleqatigiinnit ukiumi siullermi pingaartinneqarsimavoq. Sapinngisamik akimmiffeqanngitsumik ingerlasoqarsinnaanissaa qulakkeerniarlugu annikitsumik ukkataqarnissaq suleqatigiinnit aallartissutigineqarpoq. Niuertarfiit ulluinnarni unammilleqatigiipput. Illuatungeriit tamarmik akornanni taamaammat attaveqatigiilersitsinermut tatigeqatigiilersitsinermullu piffissamik atuisoqarsimavoq. Unammilleqatigiinnermi atugassarititaasut malittarisassallu saneqqunnagit ataatsimoortumik anguniagaqarnissap illuatungeriinnut tamanut toqqissisimanartuunissaata qulakkeernissaa pingaaruteqarsimavoq.



Suleqatigiinnermi ataatsimut ilisarnaateqarnissaq isikkoqarnissarlu sulissutigisimavarput, pisisartutta pisiniarfitsinni niuerniaraangamik ilisarsillutillu malinnissinnaaniassammata. Ilisarnaat "Kattulluta inuuneritta – Sammen om det gode liv" Kalaallit Nunaanni innuttaasut peqqissusaat pitsanngorsarniarlugu niuertarfiit ataatsimoornitsinnik pingaarutilimmik oqariartuuteqarpoq.

– Brugseni

ATAATSIMUT ILISARNAAT

Peqatigiilluni suleqatigiinneq ataatsimoortumik ilisarnaateqalerpoq niuerniarnermi koorimik nioqqutissanik peqqinnartunik imalimmik assiliartaqartumik allaqqallunilu: Kattulluta inuuneritta – Sammen om det gode liv.

Ilisarnaatip niuerniarnermi peqqinnartumik toqqaanissaq ajornannginnerulersissavaa neqeroorutitut quppersakkani pisiniarfinnilu nioqqutissanut peqqinnartunut aqqutissiuussinikkut. Innuttaasunut oqariartuutaavoq: Ilisarnaat niuerniartillutit maliguk.



PEQATIGIILLUNI SULEQATIGIINNERMIK SAQQUMMIUSSINEQ

Peqatigiilluni suleqatigiinneq ulloq 2. aprili 2022 filmi naatsoq atorlugu saqqummiunneqarpoq.

Filmip oqariartuutigaa illuatungeriit sisamat ataatsimoorlutik nunatsinniittut. Illuatungeriit taamaalillutik peqqinnartumik inooriaaseqarluni pitsaasumik inuuneqarnissamik siuarsaasumik suliniutinik aalajangersimasunik, isumassarsiorfissanik siunnersuutinillu innuttaasunut tamanut anngussisinnaalerput. Filmimi isiginnaartartunut niuerniarnermi ilisarnaatip malinneqartarnissaa aamma innersuussutigineqarpoq.

Filmi ukunani takutinneqarpoq:

- ⦿ KNR TV aprilimi maajimilu
- ⦿ Taseralik Bio aamma Katuaq Bio aprilimi maajimilu
- ⦿ Nuummi, Ilulissani Kangerlussuarmilu mittarfinni skærmimi aprili-septembari
- ⦿ Internetsikkut inuit attaveqaataat aqutugalugit inuit 30.000-ini amerlanerusut anguneqarput 13.000-illu sinnerlugit takutinneqarluni

Suleqatigiinnerup atulersinneqarneranut atatillugu ilisarnaatip neqeroorutitut qupper-sakkani pisiniarfinnilu atornerarnerat annertusineqarpoq. Saqqumilaarneq, pissarsiarineqarsinnaaneq akillu tunngavigalugit paarnat naatitallu qerisut tunisaanerisa siuarsarnissaannut sakkutut atornerarput.



Ajornartorsiutit pisariusut soorlu innuttaasut peqqissusaannik siuarsaaniarneq, suliaqartumit ataatsimit taamaallaat aaqqinneqarsinnaanginnera, suliassaqarfiilli akornanni siammasissumik suleqatigiittoqartariaqarnera, suleqatigiinnermi aallaaviuvoq.

Nukiit, ilisimasat iliuuseqarnissamullu periarfissat akuleriisinnerisigut angusaqarnerusinnaavugut. Pingaartumik ataatsimoorluta tamakkiisumik oqaluuserisassat malillugit suliaqartilluta.

Brugsenimik, Pisiffimmik Pilersuisumillu suleqateqarnitsigut nuna tamakkerparput inuillu pisiniarnermi peqqinnartumik aalajangiiffigisassaanni attaveqarfigalugit.

Peqqinnartumik aalajangiinerup ajornanngitsuunissaa toqqagassaaqqissuunissaalu, tassuunakkullu inuunerissaarnermik siuarsaaneq ataatsimoorutissavarput.

*Tina Evaldsen,
Paarisami immikkoortumi pisortaq*

SULINIUTIT

Suleqatigiinnermi ataatsimoorluni suliaqarnerit saniatigut illuatungeriit tamarmik immikkut suliniuteqarsimapput.

KNI/PILERSUIISOQ

KNI-mi ukiuni kingullerni nutaamik peqqinneq pillugu periusissiorpugut Oqimaaqatigiissummik inuunermik taallugu.

Pisartugut illoqarfinni mikinerusuni nunaqarfinnilu pingaarnertut najugaqarput - tamannalu peqqinneq pillugu suliaqarnerit soorunami aallaaviuvoq. Peqqinneq pillugu suliaqarnerput iluaqutaassappat suliniutit peqqinnerusumik ullunnaqalernisamat pivusorsiorput isumassarsinartutullu pisisartunit isigineqartariaqarput - aamma peqqinneq pillugu suliniutitigut kalaallit kulturiannut naleqartitaannullu naapertuuttut isiginnissinnaassapput.

Kalorianik kisitsinermut tunngavallaarnani inuunermi peqqinnartumik oqimaaqatigiissitsinerup nassaarinissaanut tunnganerutippaput. Tamatta assigiinngilagut inuunermilu oqimaaqatigiissitsinissamik qanoq nassaarnissamat kinaanerit, qassinik ukioqarnerit, sumi najugaqarnerit suullu nuannaartittarneraatit aalajangiisuupput.



Inuuneq pitsaasumik oqimaaqatigiissaaruk

Amerianersatta nalungilaat nerisat timillu aalatinnissaa peqqissumik inuunerp ilagillinnaral. Aammali inuuneq asanninnermik, qanilaassutimik kinnguteqarnermillu immersussallugu pingaaruteqarlunnaarpoq. Pitsaasunimmi attaveqarmita peqqinnerusumik inuuneqarissamat nukissaqarnerulersittarpatigut qimamerullutalu. Peqqissuseq aamma tassaavoq nerisat, timigissarneq, qimaneq ataatsimoorussallu oqimaaqatigiissinneri. Tamakkulu Pilersuisumi ukkatereusappavut. Taamaattumik nerippugut illit oqimaaqatigiiffit naniumaarit - pisiniarfimmi pisiarut imalu-niit mamarisavut.gl ammarukku.



Periusissiaq suliniutinik aalajangersimasunik sisamanik malitseqartippaput:

- Pisiniarfimmi, Facebookimi KNR-imilu pisisartunik ilisaritsinernik peqqinnerlu pillugu oqariartuutinik pisisartugut takusassippagut. Pisisartutta oqimaaqatigiissitsinermut takussutissiaq pisiniarfimmi nivinngaassorneqarsimasoq takusinnaavaat, taannalu nerisaqarnermut pyramidep kalaallisuunngortinnera - ilaattut inoqatinik peqateqarneq ilanngussimallutigu.
- Nioqqutissat pitsaasut saqqummilaarnerulersinniarlugit inuussutissat peqqinnerusumik allanngorarnerusumillu nerisaqarnerissamat immikkut pitsaassuseqartut/pingaarteqartut ilisarnaasersorpaput.
- Neqeroorutitut digitalimik aviisitigut Facebook-imilu quppernitsinni Mamarisavutmit ullunnarni iganermut Pilersuisuni tamani tunngaviusumik nioqqutissat pisiarinerqarsinnaasut pingaarnertut tunngavigalugit ilitsersuutit nutaat ikkutikulavagut.
- Mamarisavut.gl-imi Pipaluup nerissanut klubbia meeqqanut angajoqqaanullu sammisoq ilanngupparput. Meeqqat igaffimmi misigisaqarluarnissaat kiisalu nioqqutissiassat nerisassiornerlu pillugit tunngaviusunik ilikkarnissaannut tunngassuteqarpoq.

BRUGSENI

Suleqatigiinnermi ukiumi siullermi Brugsenimi tunisassiat immikkoortullu suleqatigiinnermut tunngassuteqartut tunineqarnerat pillugit paasissutissat katersorneqarsinnaanerat misissorlugulu qulakkeerparput. Ilaatigut naatitat paarnallu qerisut tuniniarneqarnerat pillugu nittarsaassinnermut nutaamik taamaammatt periusissiorpugut ataatsimoorluta anguniagatsinnut iluaqutaasumik ilanngussaqaqumalluta. Suleqatigiinnerup isikkuata pisiniarfitsinni ilanngunneqarnissaat aamma sulissutigaaqarput pisisartutsinnit ilisarnaat ukiup tullianit ajornannginnerusumik malinnaavigineqarsinnaalersikkumallugu.

Naatitat paarnallu qerisut nittarsaanneqarnerat 2022-mi annertusingaatsiarparput. Nittarsaassinitsinni neqeroorutit sallinneqarnissaat ukiup ingerlanerani pingaarnerutissimavarput, tunisassiat malugineqarnerusinnaalersinniarlugit nioqqutissat taamaallitutik pitsaanerusequmik inissinneqarlutik akigissaarnerutinneqarlutillu. Suleqatigiinnerup nittarsaanniarlugi periarfissaqarnerit tamaasa ilisarnaat "Kattulluta inuuneritta – Sammen om det gode liv" atortarparput.

Ersarinnerusequmik nittarsaassinitta saniatigut ataatsimut videomik paasititsiniaaneq atorlugi peqatigiilluni suleqatigiinnerup ilisimaneqarnerulernissaanut digitali aqqutigut siammarterivugut. Paasititsiniaaneq pisiniarfitsinni tamani ingerlavoq videolu internetsikkut inuit attaveqaataasigut nittartakkallu sinneri aqqutigalugit nittarsaallutigu.



PISIFFIK

Pisiffimmi Kalaallit Nunaanni niuertarfiit arlariiaasut annersaanni innuttaasunut, najukani inuiaqatigiinnut avatangiisinullu pitsaanerpaasorisatsinnut qanoq aqutissiuinnaanerput ukiup siuliani pingaarnertut ilisimasaqarfiginerulersimavarput. Piviusumik nutarsaaneq allanguinerlu pilersikkumallugit nerisassat, avatangiisit inuillu pillugit sammisat sallitinnissaat toqqarsimavarput. Pisisartugut niuerniaraangamik nerisassanik peqqinnartunik ajornannginnerusequmik toqqaasinnalernissaannik soqutiginninnerulernissaannillu kissaateqarnitsinnut suleqatigiinnerup pingaaruteqarsimavoq. Iluaqutaasimanelalu takusinnaalereerparput.

Ilaatigut iluatsipparput suliniut "Sapaat akoqanngitsoq" iluatsilluarpoq, tassani pisisartut Grøn Balancemitt nioqqutissani tamani 25 %-imik siparsinnaallutik, tamatumani ilaallutik paarnat naatitallu qerisut kiisalu tunisassiat laktoseqanngitsut, gluteneqanngitsut, sukkoqanngitsut aalakoornartortaqaqanngitsullu. Paasititsiniaanerup saniatigut peqqinneq peqqinnartumillu toqqagassat allat sammisimavagut nioqqutissaatigut soorlu imeruusaatit aalakoornartortaqaqanngitsut isiginiarnerisigut, taakkulu Pisiffiup pisiniarfiutaani tamani pisiassalernissaat qulakkeersimallutigit.

Tamatuma saniatigut aningaasanik tapersiisarnerput pillugu politikkerput nutarsarparput, tassani suliniutinut suliassanullu aningaasaliisarluta "Nerisassat, Avatangiisit & Inuit" pillugit piujuartitsinissamut periusissiatinnut naapertuuttunik Kalaallit Nunaanni piujuartitsisumik isumaginninnikkut, aningaasaqarnikkut avatangiisinullu ineriartornermut inerisaaqataasinnaasunut.

Pisiffimmi nittarsaassinnermi suliniutigut aqqutigalugit peqqittumik inooriaaseqarnermik siuarsaaniarluta sulivugut. Suleqatigiissitanik arlalinnik aamma pilersitsivugut piujuartitsinissaq pillugu periusissiatinni iliuusissanut taaneqarsimasunut tunngatilugulu siumut ingerlanissaannik anguniakkanillu piviusunngortitsinissanik qulakkeerisusannik. Periusissiami suliniutit ilaatigut imeruusaatinik aalakoornartortaqaqanngitsunik tunisinerup annertusinissaannik kiisalu pisisartut peqqinnartunik toqqaanissaasa ajornannginnerulersinnissaannik imaqaqarput.



PAARISA

Paarisa peqatigiilluni suleqatigiinnermi ataqatigiissaarisuuvoq. Tassunga atatillugu suliassani pingaarnert ilagaat ataatsimiinnerit piareersarnissaat suleqatigiinnermilu oqaloqatigiilluarnerup siumullu ingerlanerup qulakkeernissai.

Suleqatigiinnermi periarfissaqarneq aallaavigalugu suliarnissaq qulakkeerniartuarparput. Aallartikkusutagut illuatungeriillu akornanni suleqatigiinnermi pilersissinnaasagut ukkataraagut.

Tamatuma saniatigut Paarisa ataatsimiinnissanut aggersaasarpog, imaqarniliorluni kisitsisinik piniarluni kiisalu iliuuserineqartut inernerit ilaatigut ukiumoortumik nalunaarusiami matumani atuarneqarsinnaasut uppernarsaatit sinnerinik piniarluni.

Ukiup siuliani peqatigiilluni suleqatigiinnerup atulersinneqarnera pilersaarusioparput, tamatumunnga tusagassiorfiit atulersitsinnermilu video ilanngullugit. Atuisartut niuernarnermi ileqqi suleqatigiinnerlu pillugu ilisimasaat pillugit atuisunik misissuinnermik suliaqarneq misissueqqissaarnerlu Paarisamit aamma akisussaaffigineqarsimavoq.

Suleqatigiinnermi anguniakkanut oqariartuutinullu ikorfartuisussanik paasissutissiinnernik assigiinngitsunik Paarisami aamma suliaqarpugut. Ilanngullugit vlogs-it peqqinneq pillugu oqariartuuteqartut 2023-mi saqqummersinneqartussat, Paarisap Facebookimi quppernerani innuttaasunut paasissutissiineq kiisalu Kattulluta inuunerittap Instagramimi qupperneranik pilersitsinikkut.

Unicef Kalaallit Nunaat suleqatigalugu najoqqutassiaq IGASA Paarisamit ineriartortinneqarpoq, meeqqat nerisassat ataatsimoornerlu pillugit workshopertitsinnermik imaqartumik. Kattulluta inuuneritta pillugu peqatigiilluni suleqatigiinnerup ataani iliuuseqarnerut najoqqutassiaq 2023-mi siammarterneqassaaq. IGASA pillugu Royal Greenland suleqataavoq.



INERNERIT

PAARNANIK NAATITANILLU QERISUNIK 2022-MI TUNISINEQ

SULEQATIGIINNERMI PAARNAT NAATITALLU QERISUT TUNISAANERISA SIUARSARNISSAAT 2022-MI ANGUNIARNEQARPOQ.

PAARNANIK NAATITANILLU QERISUNIK TUNINIAANEQ UKIUP SIULIANUT SANILLIULLUGU 2022-MI

5%-imik QAFFARIARSIMAVOQ.

ATAATSIMOORLUTA ANGUSAQARNERUSINNAAVUGUT

Suleqatigiinnermi ataatsimut anguniagaqarluni suleqatigiikkaangatta angusaqarluarsinnaanitsinnik takutitsisunik inernerusut tulluusimaarutigeqaagut.

Ersarissumik anguneqarsinnaasumillu anguniaqarluta sulinitanni ilorraap tungaanut allanguinermik pilersitsivugut. Piginnaasat, nukiit ilisimasallu akuleriisinnerisigut iluatsippugut. Immikkoorluta angusinnaasatsinnit annertunerusumik ataatsimoorluta angusaqarpugut.

Paarnanik naatitanillu qerisunik tunisaqarnerunerinnatsigut innuttaasut peqqissuunerannik ajornartorsiutit qaangernaviannigilagut, kisianni nioqqutissanik peqqinnartunik tunisaqarnerulernissamik suleqatigiinnermi tamakkiisumik anguniagaqarnitsinnut alloriarneruvoq. Alloriarnermi siullermi tunaakkatta eqqortuuneranik inernerit takutippaat. Sulinerup ingerlateqqinnissaanut tamanna kajumissaataavoq pingaarutilik.

AALLAAVIK 2021: 100

2022-MI UKIUMI SISAMARAR-TERUTAA SIULLERMI KISITSISIT: 102

2022-MI UKIUMI SISAMARAR-TERUTAA AAPPAANNI KISITSISIT: 110

2022-MI UKIUMI SISAMARAR-TERUTAA PINGAJUANNI KISITSISIT: 108

2022-MI UKIUMI SISAMARAR-TERUTAA SISAMAANNI KISITSISIT: 101


2022-MI KISITSISIT KATILLUGIT: 105

Pisiffik, Brugseni Pilersuisorlu ukiumi sisamararterutaa tamaasa qaammatit pingasukkuutaarlugit kisitsisit tunisallu amerlassusaat Paarisamut nalunaarutigisarpaat. Taakku tunngavigalugit illuatungeriinni tamani kisitsisit katinnerat Paarisamit naatsorsorneqartarput.


Kisitsisit paarnanik naatitanillu qerisunik 2021-mut sanilliullugu 2022-mi tunisaqarnerup qaffariarnera procentinngorlugit takutippaat.

ALLANNGUINERMIK IMAK PILERSITSISSAAGUT

- ☉ Suliaqartut arlaannaalluunniit kisimiilluni ajornartorsiummik aaqqiisinnaanngilaq - ataatsimoorluta kivitsissaagut
- ☉ Ataatsimoorluni takorluukkamut illuatungeriit akornanni suleqatigiittoqartariaqarpoq
- ☉ Ataatsimoorluni iluatsissaagut



Assiigiinngitsunik anguniagallit immikkut sammivillit



Ataatsimik siunnerfeqarluni ataatsimoorussamik takorluugaqarneq

TOP 15-IT - NIOQQUTISSAT TUNISAANERPAAT

PEQATIGIILLUNI SULEQATIGIINNEQ 2020-2030-MI TAMAKKIISUMIK ANGUNIAKKAT: NIOQQUTISSANI TOQQAGASSANI INUUSSUTISSAT PEQQINNARTUT NIOQQUTIGINEQARTUT AMERLANERPAANNINGORNISSAAT.

Tamakkiisumik anguniakkanut ineriartorneq malinnaaviginiarlugu nioqqutissat suut tunisaanerpaanersut Paarisap uuttortartarniarpai. Nioqqutissaqatigiiaat 2022-mi Top 15 katinnerat nalunaarsuiffimmi ataaniittumi takuneqarsinnaavoq.

Top 15-imiittut nioqqutissat peqqinnartuupput peqqinnanginnerusuullutillu. Sodavandit immiaaqqallu tunisaanerpaasut takuneqarsinnaavoq. Top 15-it allattorsimaffianni nioqqutissat peqqinnartut soorlu paarnat, naatitat aalisakkallu ilaanerat nuannaarutissaavoq.

Nioqqutissanilli tunisaanerpaanik naatsorsuineri siullermi takuneqarsinnaavoq suli suliassarpasuaqartoq peqatigiilluni suleqatigiinnermi tamakkiisumik anguniagassat angunissaasa tungaannut.



Brugseni, Pisiffik Pilersuisorlu tamar-mik immikkoortlutik nioqqutissani 2022-mi Top 30-nik nalunaaruteqarsimapput. Nioqqutissat taakku nioqqutissaqatigiiaanut kingorna immikkoortiterneqarsimapput. Katillugit Top 15-it ataasi-moorluni pointilersueriaaseq tunngavigalugu naatsorsorneqarsimapput, nioqqutissaq Top 30-ni tunineqarnerpaasimasoq 30 pointinnalluni tullia 29 pointi il.il. Naggataatigut nioqqutissaqatigiiaani tamani pointit katinnerat naatsorsorneqarsimapput.

Normu	Nioqqutissaq
1	Sodavandi
2	Immiaaraq
3	Paarnat
4	Sodavandi sukkoqanngitsoq
5	Immummik tunisassiat
6	Tupa
7	Naatitat
8	Nerisassat kissariaannaat
9	Neqaarniamit nioqqutit
10	Inoqutigiinni atugassiat
11	Iffiat/rundstykkitt
12	Imeruersaatit uummarissaatitallit
13	Kaffe/the
14	Aalisakkat qaleruallillu
15	Imeq



NERISASSAT PEQQINNARTUT

Nerisassat peqqinnartut tunineqarnerulernissaat peqatigiilluni suleqatigiinnermi tamakkiisumik anguniarneqarpoq.

Peqatigiilluni suleqatigiinnermi nerisassat peqqinnartutut isigineqartut tassaapput Nerisaqarnermut innersuussutini qulini naapertuuttut taaneqartut. Uku ilanngullugit:



Nioqqutissat matuersaaserfimmik ilisarnaatillit

- ⊙ Nioqqutissanik matuersaaserfimmik ilisarnaasikkanik tuniniaaneq (orsukinnerusut orsorlu peqqinnarnerusoq, sukkukinnerusut, nerisani fiberit iffiugassanilu aserorterneqanngitsut amerlanerusut)

Kalaallit nerisassaataanik nerisarit, akulikitsumik aalisakkanik aalisakkanillu qallersuusianik

- ⊙ Aalisakkanik aalisakkaniillu qallersuusianik tunisineq
- ⊙ Kalaallit nerisassaataanik tunisineq

Ullut tamaasa naatitartorit paarnatorlutillu

- ⊙ Paarnanik naatitanillu nutaanik tunisineq
- ⊙ Paarnanik naatitanillu qerisunik tunisineq

Ullaakkorsiornermi ullup qeqqasiornermilu iffiartortullu iffiugassanik aserorterneqanngitsutorit

- ⊙ Iffiugassanik aserorterneqanngitsut tunisassianik tunisineq (iffiat, suaasat, qaqorteqqasut, pastat, ullaakkorsiuutit ilanngullugit)

Eqqarsarluarlutit orsulittorit

- ⊙ Neqimik immummillu tunisassianik orsukitsunik tunisineq
- ⊙ Ineritanik puulinnik tunisineq

Sukkunik, mamakujunnik, chipsinik kaaginillu nerisaqannginnerugit

- ⊙ Sukkunuk, mamakujunnik, chipsinik kaaginillu tunisakinneruneg

Imertorit - saftimik sodavandimillu imernikinnerugit

- ⊙ Saftimik sodavandinillu tunisakinneruneg
- ⊙ Imeruersaatinik uummarissaatitalinnik tunisakinneruneg

Aanngajaarniutit


- ⊙ Immiaaqqanik, viinninik, aalakoornartut kimittuunik, tupamik snusinillu tunisakinneruneg

ATUISUNIK MISISSUINEQ


Internetsikkut inuit attaveqaataat atorlugit atuisunik illuatungeriit misissuine-
rat juunimi 2022-mi siammartinneqarpoq. Tassunga atatillugu koorit tunissutit
pingasut nioqqutinik peqqinnartunik 1.000 kr.-nik nalilinnik imallit eqqugassa-
ritinneqarput. Misissuineq qaammingajak ingerlanneqarpoq ajugaasullu
pingasut juulip naanerani makinneqarlutik.

Atuisunik misissuineq nuna tamakkerlugu 844-nit akissuteqarfigineqarsimavoq.


PEQATAASUT



QASSINIK UKIOQARPIT?



SULIFFEQARNIKKUT INISSISIMAFFIIT?



PEQATIGIILLUNI SULEQATIGIINNEQ ILISARNAALLU PILLUGIT ILISIMASAQARNEQ

Atuisunik misissuinerup takutippaa aperineqartuni 38%-it peqatigiilluni suleqatigiinnermut ilisarnaat takusimallugu qanorlu isumaqarnera ilisimallugu akisimasut.

Ilisarnaat qanoq isumaqartippiuk?

- ⊙ "Peqqinnartumik niuerniarnermut"
- ⊙ "Isumatusaartumik niuerniarneq pisiassallu suuneranik eqqarsarneq"
- ⊙ "Ilisarnaat nerisassanik peqqinnartunik toqqaanermut tunngassuteqartippara"
- ⊙ "Inuunerissaarnerup eqqumaffiginerunissaa ukkatarinerullugulu. Ataatsimoorneq"
- ⊙ "Nunatsinni pisiniarfiit akornanni ataqatigiinneq"
- ⊙ "Kalaallit Nunaanni ataqatigiinneq"
- ⊙ "Oqaatsit marluunerat nuannaraara. (...) Kattulluta/Sammen - kulturit marluk tamarmik inissaqartinneqarput. Aamma eqqarsalersippaanga 'Najukkami pisigit'"

30%-it akipput ilisarnaatip pisiniarfimmi pisiniarnerannut sunniuteqarsimasut peqqinnartunik, naatitanik niuerniarnermilu ileqqut eqqarsaatiginissaannut piumassuseqalersitsisumik.

Pisiniarfimmi pisiniarninnut qanoq sunniiva?

- ⊙ "Peqqinnarnerusunik pitsaannerusunillu piserusulersippaanga"
- ⊙ "Niuerniarnermi ileqqukka eqqarsaatigeqqippakka"
- ⊙ "Naatitanik pisinissannut sunnerpaanga"

PERUSUNNERUSAT NIUERNIARNERMILU ILEQQUT

Atuisartut oqaatigaat niuerniaraangamik pingaartumik akikitsut, pitsaassuseq, nioqqutissat meeqqanut/ilaqutariinut tulluurtut, peqqinnartut mamarisallu pingaartittarlugit.

Atuisut oqaatigaat paarnanik naatitanillu qerisunik nerisaqarnerulernissamut 'akit', 'toqqagassat amerlanerusut', 'pissarsiarineqarsinnaanerat' aamma 'iganissamut ilitersuutit isumassarsiorfissat' pingaarutilimmik aalajangiisuusut.



2023-MUT ANGUNIAGASSAT

2023-mi peqatigiilluni suleqatigiinnerup nioqqutissat kaaviiartinneqartut annertunerpaartaasa inuussutissanik peqqinnartunik tunisinermeernissaa sulissutigeqqissavarput. Illuatungeriinni aamma 2023-mi anguniagassat aalajangersimasut isumaqatigiissutigineqarput: :

Paarnanik naatitanillu tunisinerup annertusarneqarnissaanik
2022-mi anguniakkap nangeqqinneqarnissaa

Paarnanik naatitanillu nutaanik tunisinerup annertusinissaa

Nioqqutissanik matuersaaserfimmik
ilisarnaatanik tunisinerup annertusinissaa

Top 15-t allattorsimaffianni nioqqutissat
peqqinnartut amerlinissaat

Peqatigiilluni suleqatigiinneq suleqatigiinnerullu ilisarnaataa pillugu ilisimasat annertusinissaat
Ilisarnaat pillugu qanorlu isumaqarneranik ilisimannittut 75%-ingornissaat siunertaavoq.

Ilisimasagut nukiillu
pigisagut qaqugorsuarmut
iluaquteqarsinnaanissarput
pingaaruteqarpoq. Tamatta ataatsimik
anguniagaqarluta sulivugut isumaqarpugullu
innuttaasut peqqissusaat pillugu anguniagassat
pingaaruteqartut aallaavigalugit
ataatsimoornerput nukittunerulersitsisoq
ulluinnarni unammilleqatigiitigaluta.

Peqatigiilluni suleqatigiinneq
Kattulluta inuuneritta
– Sammen om det gode liv

#kattullutainuuneritta #sammenomdetgodeliv

